

նից, Թրիալեթից, Ուզերլիկ-Թեփեից¹² և այլ հուշարձաններից, որոնք թվագրվում են միջին բրոնզի վերջին դարերով:

Հաջորդ խմբի կավանթները սև կամ դարչնագույն մակերեսով, երկթեք իրանով, կլոր կամ երկարավուն կանթով գավաթներ են (ադ. III, նկ. 12—13): Այսպիսի գավաթներ հայտնաբերվել են էլարից, Գառնիից¹³ և այլ վայրերից:

Նվնեղով վերը ներկայացված դամբարանների

և նրանցից հայտնաբերված նյութերի համեմատական ուսումնասիրությունից, կարող ենք ասել, որ Շիրակի դաշտի և մասնավորապես Քեթի միջին բրոնզեդարյան մշակույթը իր բնորոշ կողմերով սերտորեն կապվում է համահայաստանյան՝ մ. թ. ա. II հազարամյակի առաջին կեսով թվագրվող մշակույթի հետ և կապվում է նրա անբաժանելի մասը:

Լ. ՊԵՏՐՈՍՅԱՆ

«ՊԱՏՄՈՒԹԻՒՆ ՀԱՄԱՍՓՈՒՌ ԾԱՂԿԻՆ»

Մաշտոցի անվան Մատենադարանի ինը ձեռագրերում պահպանվել է մի զրույց համասփյուռ ծաղկի մասին, որ վերնադրված է «Պատմութիւն համասփիւռ ծաղկին», կամ «Վասն ծաղկին»: Այս զրույցում թվարկված են այդ ծաղկին վերագրված հրաշագործություններ: Զրույցի մեջ ասված է. «Խ է ի ականջդ հասուցանես՝ զվերնական ձայն և դբարբառ լսես և հասկանաս զամենայն լեզուս մարդկան և իմանաս զձայն անասնոց և քաղանաց և թռչնոց. ապա թէ ի աշտ հասուցանես, զամենայն արարածք առաջի աշացդ տեսանես. իսկ թէ ի քիմբտ հասուցանես, զհոտ անուշ յերկնից առնուս, ապա թէ ի լեզուդ հասուցանես, զամենայն լեզու զըրուցես և բարբառիս, զիմաստութիւն իմաստնոց և զվարդապետութիւն պատմես, ապա թէ ի մատունդդ հասուցանես՝ զամենայն արհեստ (կամ արուեստ) առնես... Եւ բաղում ինչ ասացին վասն ծաղկիս զօրաւոր հրաշս մեծամեծ»:

Այս վերջին արտահայտությունը մեզ թելադրեց այլ աղբյուրներում էլ հիշատակություններ որոնել համասփյուռի հրաշագործությունների մասին: Մյուս աղբյուրը Մխիթար Գոշի առակներն են: 26-րդ առակում պատմվում է, թե ինչպես բույսերը թագավոր են ընտրում. «Եւ եղև ոչ սակաւ հակառակութիւն, զի ոմանք

ասէին զշուշան լինել, և այլք զախրիզանն, և բազումք զհամասպրանն (նույնը՝ համասփյուռ—Ս. Ա.)² և ամենեցուն հաճոյ թուեցաւ լինել համասպրանն... զի ամենայն տիրիցէ աշխարհի. և մանաւանդ զի մեծամեծ ունելով զօրութիւն բժշկութեան՝ զհիւանդս բժշկիցէ և քաջատես առնիցէ, և ի վերայ ծովու գնալ տացէ, և իմաստութեամբ զտգէտս լցցէ»³: Այստեղ չեն կրկնվում նախորդ զրույցում թվարկված հրաշագործությունները, այլ նորանոր հատկություններ են ավելացվում:

XVII դարի բանաստեղծ Դավիթ Սալաձորցին իր «Գովասանք ծաղկանց» տաղում պատմում է հնագույն մի ավանդություն համասփյուռ ծաղկի մասին:

Աւրայիկ օձն լազաւոր, ինքն սպիտակ
որպէս զծիւն,
Համասփիւռին կու հետեւի և զօրութիւն
կառնու հոտոյն⁴:

Արքայիկ օձը՝ օձերի թագավորը, իր զորությունը վերցնում է ծաղիկների թագավորից: Իսկ արքայիկ օձի զորությունը նրա նայվածքի մեջ է, որն այրում, սպանում է: Մի ավանդություն կա այն մասին, որ երբ Ալեքսանդր Մակեդոնացին պաշարել էր մի ասիական բաղաբ, արքայիկ օձը պարսպի վրա գտնվող անցքից իր հայացքով 300 մարդ է սպանում Ալեքսանդրի զորքից⁵: Արքայիկ օձի ծնունդը կապվում է քաջահով կոշվող թռչունի հետ (քաջ, ոգի բառից, իբր հոմանիշ «արտավազդահավ» բառի, որ ծագում է Արտավազդի անունից, իբր

¹² А. А. Мартиросян, նշվ. աշխ., նկ. 32, 2. 2. Մնացականյան, նշվ. աշխ., ադ. III, նկ. 3—4, 6; Յ. Մ. Горад-зе, նշվ. աշխ., ադ. XIX, նկ. 2; նկ. 31, 2—3-րդ շերտերի 2-րդ խումբ:

¹³ Է. Վ. Խանզադյան, Գառնի IV, նկ. 80:

¹ Մաշտոցի անվ. Մատենադարան, ձեռ. №№ 6488, 5747, 5616, 7993, 7100, 549, 8737, 10020, 7085: Տե՛ս նաև Ն. Մառ, Ժողովածոյք առակաց Վարդանայ, Բ, Ս. Պետերբուրգ, 1894, էջ 300:

² «Նոր բառգիրք հայկազան լեզուի», Վենետիկ, 1837, հատ. 1, էջ 21:

³ Մխիթար Գոշ, Առակներ, Երևան, 1951, էջ 61:

⁴ Կ. Կոստանյան, Նոր ծղղվածու, պրակ Բ, Թիֆլիս, 1892, էջ 75:

⁵ «Բազմավեպ», Վենետիկ, 1850, էջ 140:

քաղերից շղթայված թաղավորի թռչունը⁶։ Այս թռչունը (իբիս), որ եպիպտացիների կողմից պաշտվում էր, օձահալած է, ոմանք զըտնում են, որ նաև օձակեր է, իբր սրա ձվում է պոյանում արքայիկ օձը։

«Պատմություն համասփյուռ ծաղկին» զրույցում վերոհիշյալ հրաշապատումների կողքին նշվում են համասփյուռի աճման վայրերը. «Երթ ի Բասեն և խնդրեա զղեղն, որ կոչի Դարոյնս ուր ջերմուկն է»։ «Եւ այլք ասացին թէ գտանի ծաղկն ի Սուրմարի գեղըն որ կոչի Զողկերտ (կամ Յողկերտ—Ս. Ա.)»։ Յողկերտը հին ուրարտական ամրոց է եղել, որտեղ գտնվել են սեպագիր արձանագրություններ⁷։

Ղ. Ալիշանը բուսաբանների հավաքած նյութերի հիման վրա համասփյուռը մեխակազգիների ընտանիքի *Lychnis* ցեղի մի տեսակ է համարում։ Նորագույն հետազոտությունները պարզել են, որ դա նույն ընտանիքի *Melandrium* ցեղին է պատկանում։ Ռուսներն *дрёма* է կոչվում⁸։ Ռուսներն ունեցել են *дрёма* կոչվող պաշտամունքային շուրջպար։ Ռուզուֆ

Բլաումանիսի «Յորոոցային» երգում *дрёма-ն* մի ոգի է, որ շրջում է տան մոտ ու որոնում իր սպիտակ ծաղիկը։ Մաղիկը դնում են ևրեխաների օրորոցներում, բուն բերելու համար։

Возле дома бродит дрема
Где мой беленький цветок?
Баю-баю, бродит дрема
Ищет в сумерках цветок...
Принеси его и тихо
В изголовье положи
Баю-баю, тихо-тихо
в колыбельку положи⁹.

Այս վերջին փաստերը ցույց են տալիս, որ համասփյուռ ծաղիկը պաշտամունքի առարկա է եղել նաև այլ ժողովուրդների մոտ։ Պետք է հուսալ, որ հետագա որոնումները հնարավորություն կտան հարստացնելու և վերականգնելու համասփյուռի վերաբերյալ հին պատկերացումները։

Ս. ԱՎԴԱԼԻՔՅԱՆ

ДВА НОВООТКРЫТЫХ ПАМЯТНИКА МНОГОАПСИДНОЙ КОМПОЗИЦИИ

Среди разнообразных композиций средневековой армянской архитектуры наиболее оригинальный ее отдел составляют многоапсидные памятники. Отличительной особенностью этих сооружений является их близкая к круглой конфигурация, которая сильно централизует подкупольное пространство, что хорошо понимали древние зодчие уже в эпоху раннего христианства.

Преобладающее большинство многоапсидных сооружений были часовнями или гробницами. Наиболее древними памятниками этой композиции являются гробница Кальвентиев (III в.), мавзолей Диоклетиана (305 г.), мавзолей Галерия (306 г.) и храм Нимфей Миневра Ме-

дика (IV в.)¹. Этим сооружениям свойственна монолитность внешнего контура купола с нижней ротондой. В отличие от этих сооружений купол многоапсидных композиций Армении возвышается на барабане, который в диаметре значительно уступает размеру нижней ротонды и тем самым расчленяет композицию внешнего контура на два яруса. Аналогичную композицию имеет церковь св. Виталия в Равенне (547 г.)². Однако членение внешнего контура посредством разномерности купола и основания здесь осуществлено не расширением подкупольного пространства, а наличием кольцевой галерей, охватывающей центр.

В мировой архитектуре последующих веков многоапсидные сооружения большого распространения не находят. В армянской же архитектуре они продолжают строиться до XIII в. и достигают

⁶ Մ. Քաղերի, Բաղիրք արվեստից և գիտությունից, Վենետիկ, 1891։

⁷ Մ. Սմբատյան, Տեղագիր Գեղարքունի ժողովարդ գավառի, Վաղարշապատ, 1895, էջ 769 («Մասին լեռան հյուսիսային ստորոտում եղած բնդարձակ ավերակների մեջ, սկսած Փառախոտից (Արհաջ) մինչև Յուլկերտ (Տաշրուտուն), որոնց միջոցումն է հին քաղաքատեղին Արշակավան»)։

⁸ «Րուսների անունների լատին-հայ-ռուս բառարան», Երևան, 1962։

⁹ Р. Блауманис, Стихи, М., 1971, էջ 20—21։

¹ «Всеобщая история архитектуры», т. II, М., 1973, стр. 530—541, 573—574, 658—661.

² «Всеобщая история архитектуры», т. III, Л.—М., 1966, стр. 73—74.